

Қибрай тумани ҳокимининг  
20 17 «16» 11 даги  
3204 - сонли қарорига  
илова

Тошкент вилояти статистика  
бошқармасининг  
2017 йил 28 сентябрдаги  
56-сон буйруғига  
17-илова

**Тошкент вилояти  
Қибрай тумани статистика  
бўлимининг  
НИЗОМИ**

(янги таҳрирда)

Қибрай-2017



QAROR  
РЕШЕНИЕ

20 yil «16» 11

3204-son

Qibray sh.

Қибрай тумани статистика бўлимининг янги таҳрирдаги  
Низомини тасдиқлаш тўғрисида

Ўзбекистон Республикаси Президентининг 2017 йил 31 июлдаги “Ўзбекистон Республикаси Давлат статистика қўмитаси фаолиятини такомиллаштириш чора-тадбирлари тўғрисида”ги ПҚ-3165-сонли ҳамда Вазирлар Маҳкамасининг 2017 йил 2 сентябрдаги “Ўзбекистон Республикаси Давлат статистика қўмитаси тўғрисидаги низомни тасдиқлаш ҳақида”ги 690-сонли қарорлари, Ўзбекистон Республикаси Давлат статистика қўмитасининг 2017 йил 13 сентябрдаги 87-сонли, Тошкент вилояти статистика бошқармасининг 2017 йил 28 сентябрдаги 56-сонли буйруқлари ижросини таъминлаш мақсадида ҳамда Ўзбекистон Республикаси “Маҳаллий давлат ҳокимияти органлари тўғрисидаг”ги Қонуннинг 6- моддасига асосан

ҚАРОР ҚИЛАМАН:

1. Қибрай тумани статистика бўлимининг янги таҳрирдаги Низоми иловага мувофиқ тасдиқлансин.
2. Ушбу қарор қабул қилиниши муносабати билан Қибрай туман ҳокимининг 2015 йил 23 январдаги 43-сонли қарори ўз кучини йўқотган деб хисоблансин.
3. Мазкур қарорнинг ижросини назорат қилиш туман ҳокимининг биринчи ўринбосари М.Арипов зиммасига юклатилсин.

Туман ҳокими



Н.Мухамедов



## **Қибрай тумани статистика бўлимининг Н И З О М И**

### **1- боб. Умумий қоидалар**

1. Мазкур Низом Қибрай тумани статистика бўлимининг (кейинги ўринларда Бўлим деб аталади) мақоми, асосий вазифалари ва функциялари, хуқук ва мажбуриятлари, шунингдек фаолиятини ташкил этишни белгилайди.

2. Бўлим Ўзбекистон Республикаси Давлат статистика қўмитасининг (кейинги ўринларда Давлат статистика қўмитаси деб аталади) ягона тизимиға кирувчи худудий давлат статистика органи хисобланади ва ўз фаолиятида Тошкент вилояти статистика бошқармасига (кейинги ўринларда Бошқарма деб аталади) бўйсунади.

3. Бўлим маҳаллий давлат ва хўжалик бошқаруви органлари, юридик шахслар ва фуқароларнинг расмий статистика ахборотига бўлган эҳтиёжини қондирувчи, яхлит илгор статистика ахбороти тизимининг фаолият кўрсатишига йўналтирилган давлат статистикаси соҳасидаги ягона сиёsatни амалга оширишда иштирок этади.

4. Бўлим ўз фаолиятида Ўзбекистон Республикаси Конституцияси ва қонунларига, Ўзбекистон Республикаси Олий Мажлиси палаталари қарорларига, Ўзбекистон Республикаси Президента фармонлари, қарорлари ва фармойишларига, Ўзбекистон Республикаси Вазирлар Махкамаси қарорлари ва фармойишларига, Давлат статистика қўмитасининг буйруқлари, қарорлари, топшириклари ва курсатмаларига, Бошқарманинг буйруқлари ва кўрсатмаларига, мазкур Низомга, шунингдек бошқа қонун хужжатларига амал қиласди.

5. Бўлим ўз фаолиятини бошқа маҳаллий давлат органлари ва юридик шахслар билан ўзаро ҳамкорликда, шу жумладан идоралараро электрон ҳамкорлик қилишдан фойдаланган ҳолда амалга оширади.

6. Бўлим ўз фаолиятини Ўзбекистон Республикаси Вазирлар Махкамаси томонидан тасдиқланадиган Давлат статистика ишлари дастурига асосан Давлат статистика қўмитаси томонидан тасдиқланадиган Давлат статистика ишларини ишлаб чиқариш дастурига мувофиқ ташкил қиласди.

7. Давлат статистика органлари фаолиятига давлат органлари ва маҳаллий давлат ҳокимияти органларининг аралашишига йўл қўйилмайди.

8. Бўлим юридик шаҳс ҳисобланади, Ўзбекистон Республикаси Давлат герби тасвири туширилган ҳамда ўз номи ёзилган бланк ва мухрга, мустақил балансга, банкдаги хисоб рақамига эга бўлади.

9. Бўлимнинг жойлашган манзили: Тошкент вилояти, Қибрай тумани, Қибрай шаҳарчаси, Зебунисо кўчаси, 1-уй.

### **2-боб. Бўлимнинг вазифалари ва функциялари**

10. Куйидагилар Бўлимнинг асосий вазифалари ҳисобланади:

давлат статистикаси соҳасида ягона сиёsatни амалга ошириш ва статистикани ташкил этишнинг самарали тизимини таъминлаш;

халқаро стандартларга мувофиқ бўлган ягона статистика методологиясини ҳамда

давлат статистика кузатувлари шаклларини жорий этиш;

ижтимоий - иқтисодий ҳодисалар, жараёнлар ва уларнинг натижалари тўғрисидаги статистика ахборотларини йиғиш, қайта ишлаш, тўплаш, сақлаш, умумлаштириш, тахлил қилиш ва эълон қилиш;

давлат органларини, юридик шахсларни ва аҳолини Қибрай тумани бўйича статистика ахборотлари билан белгиланган тартибда таъминлаш;

Корхоналар ва ташкилотларнинг ягона давлат регистрини, статистика ишларини ташкил этиш учун зарур бўлган иқтисодий-статистик классификациялар тизимини юритишида иштирок этиш;

ахборот-коммуникация технологияларидан самарали фойдаланишни таъминлаш;

Бўлимнинг иш усуллари ва шаклларини янада такомиллаштириш, фуқароларнинг мурожаатларига ўз вақтида муносабат билдириш, юкланган вазифалар ўз вақтида ва сифатли бажарилиши учун ходимлар масъулиятини ошириш.

11. Бўлим ўз зиммасига юкланган вазифаларга мувофиқ куйидаги функцияларни амалга оширади:

*а) давлат статистикаси соҳасида ягона сиёсатни амалга ошириш ва статистикани ташкил этишининг самарали тизимини таъминлаш борасида:*

давлат статистикаси тамойилларига риоя этилишини ва халқаро стандартларга мувофиқ бўлган статистик методологиянинг ягоналигини таъминлайди;

Бўлимнинг таҳлилий салоҳиятини мустахкамлаш бўйича зарур чораларни кўради;

*б) халқаро стандартларга мувофиқ, бўлган ягона статистика методологиясини ҳамда давлат статистика кузатувлари шаклларини жорий этиши соҳасида:*

туманда давлат статистика кузатувлари шаклларининг жорий этилишини ташкил этади, жумладан хисобот тақдим этувчи субъектларни тасдиқланган давлат статистика хисоботи шакллари тўғрисида хабардор қиласи ҳамда уларни электрон шаклда тўлдириш ва тақдим этиш бўйича тушунтиришлар беради;

давлат статистика кузатувларини ягона статистика методологиясига қатъий амал қилган холда ўтказилишини таъминлайди;

*в) ижтимоий-иқтисодий ҳодисалар, жараёнлар ва уларнинг натижалари тўғрисидаги статистика ахборотларини йиғиш, қайта ишлаш, тўплаш, сақлаш, умумлаштириш, таҳлил қилиши ва эълон қилиши соҳасида:*

Давлат статистика ишларини ишлаб чиқариш дастурининг бажарилишини таъминлайди;

туман бўйича ижтимоий-иктисодий ривожлантириш давлат ва худудий дастурларининг бажарилиши юзасидан Давлат статистика қўмитаси томонидан белгиланган давлат статистика кузатувларини ўз вақтида ва сифатли амалга оширилишини ташкил этади;

давлат статистика хисоботларини электрон кўринишда, зарур холларда қофоз кўринишида йиғишни, рўйхатдан ўтказишларни, бир марталик хисобга олишларни, сўровларни ва бошқа кузатувларни Давлат статистика қўмитаси томонидан тасдиқланган шакллар ва методологияга катъий амал қилган холда ташкил этади ва таъминлайди;

статистика, хисобот кўрсаткичларининг ва ўтказилган танланма кузатувлар натижаларининг тезкорлиги, ишончлилиги ва холислигини таъминлайди;

статистика ишларини ташкил этишнинг статистика ахборотларини йигиш, кайта ишлаш ва умумлаштириш тартибида давлат органлари хамда махаллий давлат хокимияти органларининг хар кандай аралашувини истисно қиласидаган тизимини яратиш бўйича чора-тадбирларни амалга оширади;

хўжалик юритувчи субъектларга ишончли давлат статистика хисоботларини тақдим этишда хар томонлама кўмаклашади, статистик маълумотларни тақдим этиш соҳасида хукуқий маданиятни ошириш ва хукуқбузарликларнинг олдини олишнинг таъсирчан механизмларини амалга оширади, статистик назоратни амалга оширишнинг замонавий усусларини қўлланишини таъминлайди;

фойдаланувчиларга Давлат статистика қўмитасининг ахборот ресурсларидан фойдаланишга доир тушунтиришлар беради;

олинган статистика маълумотларининг махфийлигини, бирламчи хисобот маълумотларидан юридик шахсларнинг фаолиятини, бошқа хусусиятларини ёки миқдор кўрсаткичларини расмий тасдиқлаш мақсадида фойдаланишга йўл қўймасликни, давлат сирларига эга булган статистика маълумотларининг химоя қилинишини таъминлайди;

қонун хужжатларига мувофиқ, Бўлим фаолияти жараёнида юзага келган архив хужжатларини белгиланган тартиб ва муддатларда Бошқарма идоравий архивига тақдим этилишини таъминлайди;

ўз ваколатлари доирасида Бўлим фаолияти жараёнида олинган хизмат, банк, тижорат сирларини ва бошқа махфий маълумотларни ўз ичига олган ахборотларни сақлаш ва химоялашнинг тегишли тартибини таъминлайди;

г) давлат органларини, юридик шахсларни ва аҳолини Қибрай тумани бўйича статистика ахборотлари билан белгиланган тартибда таъминлаш соҳасида:

худуднинг ривожланишини тизимли таҳлил қилиш бўйича бошқа худудий бошқарув органлари, махаллий давлат хокимияти органлари билан яқиндан хамкорлик килади;

барча фойдаланувчиларга очиқ статистик маълумотлардан фойдаланиш учун тент имкониятларни таъминлайди;

туман бўйича маълумотлар асосида махаллий оммавий ахборот воситаларида таҳлилий материаллар кенг намойиш қилиш йули билан статистик курсаткичлар тўғрисида аҳолини хабардор қилиш чораларини кўради;

статистика кузатувлари ва расмий статистика ахборотлари масалалари бўйича ахборот-тушунтириш ишларини олиб боради;

шартнома асосида, қонун хужжатларида белгиланган тартибда статистик, таҳлилий, ахборот хизматларини ва Давлат статистика ишлари дастуридагидан ташқари бошқа хизматларни кўрсатади;

д) Корхоналар ва ташкилотларнинг ягона давлат регистрини, статистика ишларини ташкил этиши учун зарур булган иқтисодий-статистик классификациялар тизимини юритишида иштирок этиши соҳасида:

Корхоналар ва ташкилотларнинг ягона давлат регистрида Қибрай туманида жойлашган юридик шахсларни тўлиқ хисобга олишни ва улар фаолияти холатидаги ўзгаришларни мониторинг қилишни таъминлайди;

*е) ахборот-коммуникация технологияларидан самарали фойдаланишини таъминлаш соҳасида:*

статистика ахборотларининг тезкорлик билан узатилишини ва қайта ишланишини таъминловчи янги ахборот-коммуникация ресурслари ва технологияларини Бўлим фаолиятига жорий этишда иштирок этади;

давлат статистика органлари ахборот ресурслари ва тизимларининг ахборот хавфсизлигини таъминлаш, давлат статистикаси ахборот-хисоблаш тизимини рухсатсиз фойдаланишдан химоя килиш бўйича зарур чораларни кўради;

*ж) Бўлимнинг иш усуллари ва шаклларини янада тақомиллаштириши, фуқароларнинг мурожаатларига ўз вақтида муносабат билдириши, юкландган вазифалар ўз вақтида ва сифатли бажарилиши учун ходимлар масъулиятини ошириши соҳасида:*

жисмоний ва юридик шахсларнинг мурожаатлари асосида Бўлим ишини тақомиллаштириш бўйича амалий чоралар кўради;

Бўлим кадрларининг малакаси оширилишини ва қайта тайёрланишини тизимли асосда таъминлайди;

давлат статистикаси соҳасида хукуқбузарликларни профилактика қилиш ва статистик маълумотларнинг тўлиқлиги ва ишончлилигини таъминлаш мақсадида хўжалик юритувчи субъектлар билан самарали хамкорлик қилишни ташкил этади, улар учуй максимал қулай шарт-шароитларни яратади;

фуҳароларни қабул хилишни ташкил қиласи, жисмоний ва юридик шахсларнинг ёзма ва оғзаки мурожаатларини ўз вақтида ва тўлиқ қўриб чиқилишини, улар бўйича қарорлар қабул қилинишини ва қонун хужжатларида белгиланган тартиб ва муддатларда мурожаат эгаларига жавоблар юборилишини таъминлайди;

Ўзбекистон Республикаси фуқаролари ва юридик шахслари томонидан давлат статистикаси соҳасидаги хонун хужжатлари бузилишини олдини олишга қаратилган огохлантирувчи ва профилактика хусусиятига эта чораларни, шунингдек, аниқланган қонунбузарликлар оқибатларини бартараф этиш чораларини амалга оширади.

Бўлим қонун хужжатларига мувофиқ бошқа функцияларни хам бажариши мумкин.

### **З-боб. Бўлимнинг хукуқлари ва жавобгарлиги**

12. Бўлим ўзига юкландган вазифалар, функцияларни бажариш учун қуийидаги хукуқларга эга:

туман худудидаги давлат ва хўжалик бошқаруви органларидан, фуқароларнинг ўзини ўзи бошқариш органларидан, банклардан, бошқа юридик шахслардан (зарур холларда - уларнинг ваколатхоналари ва филиалларидан) давлат статистика хисоботини белгиланган тартибда олиш хамда ундан статистика максадларида фойдаланиш;

туман худудидаги давлат ва хўжалик бошқаруви органларидан, давлат ташкилотларидан давлат статистика ишларини олиб бориш учун зарур бўлган маълумотларни (уларни ишлаб чиқишнинг исталган босқичида), шунингдек уларга илова

қилинадиган тушунтиришларни сўраш ва олиш;

туман худудидаги юридик шахсларни ва якка тартибдаги тадбиркорларни давлат рўйхатидан) ўтказишни амалга оширувчи органлардан, шунингдек юридик шахслар тўғрисидаги маълумотларнинг регистрлари ва ахборот базаларини шакллантирувчи ва юритувчи давлат органлари ва уларнинг идоравий мансуб ташкилотларидан Корхоналар ва ташкилотларнинг ягона давлат регистрини юритиш ва фаоллаштириш учун зарур бўлган маълумотларни олиш;

туман худудидаги юридик ва жисмоний шахсларнинг, шу жумладан якка тартибдаги тадбиркорлар фаолиятининг давлат статистика кузатувларини Давлат статистика қўмитаси томонидан тасдиқланган шакллар ва методология бўйича олиб бориш ва олинган маълумотлардан статистика максадларида фойдаланиш;

давлат статистика кузатувларининг методологияси ва ташкил этилиши, шунингдек расмий статистика ахборотлари билан боғлиқ масалалар бўйича ахборот-тушунтириш ишларини олиб бориш;

барча юридик шахслар ва якка тартибдаги тадбиркорлар томонидан давлат статистикаси соҳасидаги қонун хужжатларининг бажарилишини қонун хужжатларига мувофиқ назорат қилиш;

олинаётган статистика маълумотларининг тўлиқлиги, ишончлилиги ва холисоналигини экспертизадан ўтказиш;

давлат статистика маълумотларида бузилишлар аниқланган тақдирда, уларни бартараф этиш тўғрисида кўрсатмалар бериш;

давлат статистика хисоботларини тақдим этиш тартибини бузаётган мансабдор шахсларга нисбатан қонун хужжатларига мувофиқ маъмурий жазо чоралари кўриш;

давлат статистика хисоботларини тақдим этиш тартибини бузганлик учун мансабдор шахсларга қўлланиладиган маъмурий жарималардан тушумлар хисобига Давлат статистика қўмитасининг маҳсус жамғармасини шакллантиришда иштирок этиш ва ундан белгиланган тартибда фойдаланиш;

шартнома асосида статистик, таҳлилий, ахборот хизматлари ва Давлат статистика ишлари дастуридан ташқари бошқа хизматларни қонун хужжатларида белгиланган тартибда кўрсатиш;

қонун хужжатларида белгиланган тартибда Бўлим ходимларининг меҳнатига хақ тўлаш, рағбатлантириш, мукофотлаш ва рағбатлантиришнинг бошқа турларини амалга ошириш.

Бўлим қонун хужжатларига мувофиқ бошқа хукукларга хам эга бўлиши мумкин.

13. Бўлим ва унинг мансабдор шахслари уларга юклangan вазифалар ва функциялар самарали бажарилиши учун жавоб беради.

Бўлимнинг мансабдор шахслари харакатлари устидан шикоят қилиш қонун хужжатларига мувофиқ амалга оширилади.

14. Бўлим ходимлари “Давлат статистикаси тўғрисида”ги Ўзбекистон Республикаси Қонуни талабларини бузганлик, тарқатилиши чекланган статистик маълумотлар, статистик ахборотлар ва (ёки) маълумотлар базасини йуқотганлик, сотганлик, берганлик ва бошқа ноқонуний ошкор этганлик учун, шунингдек статистика маълумотларини

яширганлик ва бузиб кўрсатганлик учун, ёхуд кўрсатиб ўтилган хуқуқقا зид қилмишларга кўмаклашганлик учун қонунга мувофиқ жавоб беради.

#### **4-боб. Бўлим фаолиятини ташкил этиш**

15. Бўлимга туман хокимининг тақдимномасига кўра ва Давлат статистика қўмитаси раиси билан келишилган холда Бошқарма бошлиғи томонидан лавозимга тайинланадиган ва лавозимидан озод этиладиган бошлиқ раҳбарлик қиласди.

16. Бўлим бошлиғи:

Бўлим фаолиятига умумий раҳбарлик қиласди ва Бўлимга юкланган вазифалар ва функцияларнинг бажарилиши учун шахсан жавоб беради;

давлат органларида ва бошқа ташкилотларда Бўлимни ифодалайди;

Бўлим ходимлари ўртасида вазифаларни тақсимлайди;

Бўлим ходимларининг мажбуриятлари ва жавобгарлиги даражасини белгилайди;

ўз ваколатлари доирасида Бўлим ходимлари томонидан бажарилиши мажбурий бўлган буйруқлар чиқаради ва кўрсатмалар беради;

олинган фойда, шу жумладан шартнома асосида кўрсатилган хизматлардан тушумлар хисобига Бўлим ходимларини белгиланган тартибда рағбатлантириш масаласини хал этади;

Бўлим ходимларини Бошқарма томонидан рағбатлантириш, юқори малакаси учун устамалар белгилаш ва уларга нисбатан интизомий жазо чораларини қўллаш бўйича Бошқармага таклифлар киритади;

Бўлим ходимларини қайта тайёрлаш ва уларнинг малакасини ошириш ишларини тизимли асосда таъминлайди;

Бўлимга юкланган вазифаларни ўз вақтида ва сифатли бажарилишини таъминлаш учун амалдаги қонун хужжатлари доирасида зарур чоралар кўради.

Бошлиқ қонун хужжатларига мувофиқ бошқа ваколатларга хам эга бўлиши мумкин.

17. Лавозимга тайинлаш ва лавозимдан озод қилиш:

Бўлим ходимлари - Давлат статистика қўмитаси билан келишилган холда Бошқарма бошлиғи томонидан лавозимга тайинланади ва лавозимдан озод қилинади;

Бўлим бошлиғи - туман хокимининг тақдимномасига кўра хамда Давлат статистика қўмитаси раиси билан келишилган холда Бошқарма бошлиғи томонидан лавозимга тайинланади ва лавозимдан озод қилинади.

#### **5-боб. Бўлимнинг молиялаштирилиши ва моддий-техника таъминоти**

18. Бўлимнинг мол-мулкини асосий воситалар ва айланма маблағлар, шунингдек қиймати унинг мустақил балансида акс эттириладиган бошқа бойликлар ташкил этади.

19. Бўлимни молиялаштириш ва унинг моддий-техника таъминоти Давлат статистика ишлари дастурига мувофиқ Ўзбекистан Республикаси Давлат бюджети маблағлари хисобига амалга оширилади.

Давлат статистика ишлари дастурида белгиланган амалга оширилган статистика ишлари учун хақ тўлаш, Бўлим томонидан Бошқармага хар ойда тақдим этиладиган бажарилган ишлар далолатномалари асосида Ўзбекистан Республикасининг республика

бюджети маблағлари хисобига Бошқарма томонидан таъминланади.

Давлат статистика ишлари дастурига киритилмаган ва уларни ишлаб чиқишига кўшимча харажатлар талаб қилинадиган кўшимча статистика ишларига хақ тўлаш буюртмачилар маблағлари хисобига молиялаштирилади.

Бўлим томонидан олинган фойда, амортизация ажратмалари, шунингдек бошқа тушумлар унинг ихтиёрида қолади хамда улардан Бўлимнинг моддий- техника базасини мустахкамлаш ва ахборот-коммуникация тизимини ривожлантириш, ходимларнинг касб маҳоратини, ўз лавозим вазифаларини сифатли бажарганлигини, ижодий фаоллигини ва ташаббускорлигини рағбатлантириш учун белгиланган тартибда фойдаланилади.

20. Бўлим Давлат статистика ишлари дастурини бажариш доирасида ажратилган маблағларнинг ва ўз ишларининг бошқа натижаларининг тезкор ва бухгалтерия хисобини “Бухгалтерия хисоби тўғрисида”ги Конун ва Бухгалтерия хисобининг миллий стандартларига мувофиқ амалга оширади, статистика хисоботини юритади.

#### **6-боб. Якунловчи қоида**

21. Бўлимни кайта ташкил этиш ва тугатиш қонун хужжатларида белгиланган тартибда амалга оширилади.

Ушбу низом  
тикилган бўлиб  
8 (саккиз) варакдан иборат

Умумий бўлим мудираси  
Д.Юлдашев

